



FYLKESMANNEN
I ROGALAND

Dykkar ref.:

Vår dato: 17.11.2014
Vår ref.: 2014/10612
Arkivnr.: 433.0

Rogaland fylkeskommune, Øksnevad vidaregåande skole
Jærvegen 990
4352 KLEPPE

Att. Kristian Malde

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00
F: 51 52 03 00
E: fmropost@fylkesmannen.no

www.fylkesmannen.no/rogaland

Løyve til å setja ut utanlandske treslag til skogproduksjon - sitkagran, Øksnevad vidaregåande skole, gnr/bnr 7/1 Klepp

Me viser til søknad, mottatt 20.10.2014, der de søker om å planta utanlandske treslag til skogproduksjon på gnr/bnr 7/1 i Klepp kommune .

Heimel

Utsetjing av utanlandske treslag krev godkjenning frå fylkesmannen i samsvar med *forskrift om utsetting av utanlandske treslag til skogbruksformål (25.05.2012 nr. 460*, jf. naturmangfaldlova kap. IV.

Søknaden

Det er søkt om å planta ut 3 800 stk sitkagran på om lag 16 daa (sjå kartvedlegg)

Det aktuelle arealet er på eigedomen til søkar, Øksnevad vidaregåande skule, Rogaland fylkeskommune.

Fylkesmannen si vurdering

Formålet med forskrifta er å hindra at planting av utanlandske treslag gir uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir trua av dei framande artane, direkte eller indirekte, jf. naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§8 set krav om at vedtak bygger på kjend kunnskap. Sitkagran er vurdert av Artsdatabanken som ein art med svært stor risiko for naturleg spreiding med skadelege økologiske verknader for norsk natur (Norsk svarteliste 2012). Tabellen under viser kartlagde prioriterte naturtypar nærare enn 1,5 km frå utplantingsområdet, retning frå reservatet og kva verdi dei har. Om lag 840 m nord for feltet ligg Øksnavadtjørn naturreservat og om lag 1,4 km nordaust ligg Lonavatnet naturreservat. Begge reservata ein del av Ramsar-området Jæren våtmarkssystem.

Områdenamn	Naturtype	Verdi	Avstand til utsetjingsområdet	Retning frå utsetjingsområdet
Heia	Rikmyr	A – svært viktig	0 m	Aust
Andamarkene	Restareal kystlynghei/myr	A – svært viktig	260 m	Sør
Vaule	Restareal	B – viktig	380 m	Nord
Knappholsmyra	Restareal myr	B – viktig	1,2 km	Nordaust
Haugane	Bjørkeskog med høgstauder	B – viktig	1,5	Nordaust
Øksnavadtjørn naturreservat	Rik kulturlandskapssjø	A – svært viktig	840 m	Nord
Engjelsvåg	Rik kulturlandskapssjø	A – svært viktig	1,1 km	Søraust
Krokhøl	Fuktenger	B – viktig	1,3	Nordvest
Lonavatnet naturreservat	Rik kulturlandskapssjø	A – svært viktig	1,4 km	Nordaust
Syllesbukta	Kystlynghei	B – viktig	1,5	Søraust
Butangen	Kystlynghei	B – viktig	1,5	Søraust
Øksnavadmyrane	Evjer, bukter og viker	C – lokalt viktig	1,5	Aust

Fleire stader i nærleiken er det artar som indirekte kan verta uheldig påverka av tilplantinga. Dette gjeld til dømes nikkebrønse og sivhauk, som hekkar i takrøyrskog ved dei rike kulturlandskapssjøane. Plantefelta legg beslag på areal som tidlegare har hatt plantefelt med norsk gran og vrifuru, og i områda rundt er kulturskog med lerk, sitkagran, vanleg gran og ulike utanlandske furuarter, som t.d. buskfuru og vrifuru.

Ut frå føre-var-prinsippet (§9) er det viktig å sikra seg mot framtidig frøspreiing frå plantefeltet. Rutinar for internkontroll må innarbeidast i verksemda. Me minner om at det etter Skogbruksloven er krav om at det i plantefelta skal vera 10% lauvinnslag, og som eit tiltak for å minska risikoen for spreiring, anbefaler me at de konsenterer desse lauvtree til ei buffersone med heimelege lauvtree langs ytterkanten av feltet, det vil seia kanten i aust - der feltet ikkje grensar til annan skog.

Påverknad av økosystemet skal vurderast ut frå samla belastning som økosystemet er eller blir utsett for (§10). I dette høvet kan me ikkje sjå at tiltaket direkte legg beslag på, eller vesentleg truar, stadeigne naturkvalitetar. Indirekte verknader er drøfta nedanfor.

§11 adresserer ansvaret for eventuelle skadar på naturmiljøet til tiltakshavaren. Kostnadar ved å bøta på eventuelle skadar, eller ved å førebyggja skadar, skal dekkast av tiltakshavar, så langt dei er innanfor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gir dei beste samfunnsmessige resultata (§12).

De søker om å planta i eit område med mykje sitkagran, norsk gran og vrifuru, slik at plantinga utgjer ei lita endring av frøpresset på områda rundt. Ei god stund framover vil det aller meste av frøspreiinga stamma frå sitkagran etablert før godkjenningsordninga tredde i kraft i 2012. Søkar pliktar seg til å hindra spreiring frå det tidspunktet sitkagrana planta før 2012 er avverka.

Kystlynghei, rikmyr, fuktenger og restareal av myr er alle naturtypar som er utsette for gjengroing og frøspreiing av sitkagran. Det beste hadde i så måte vore å planta igjen med norske treslag,

fortrinnsvis stadeigne lauvtre, og me anbefaler difor at Øksnevad vidaregåande skule vel å bruka dette. Under føresetnad av at framtidig spreiring av sitkagran blir overvaka og handtert som nemnt, kan me likevel ikkje sjå at den omsøkte plantinga vil vera til vesentleg skade for naturmangfaldet.

På naboeigedommane er det stort sett dyrkamark og litt beitemark som er godt i hevd, så der er det liten sjanse for at frø frå det omsøkte plantefeltet skal kunna etablere seg.

Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Vedtak og vilkår

Fylkesmannen gir med dette løyve til å setja ut til saman 3800 sitkagran på til saman 16 daa, avmerka på kart vedlagt søknaden. Det er eit vilkår at spreiring frå sitkagran etablert frå nye bestandar etter dette løyvet skal fjernast.

Dette vedtaket er gyldig i 5 år frå den dato det er gitt.

Klage

De kan klaga på vedtaket innan 3 veker etter de har mottatt dette brevet, jf. forvaltningslova sine reglar. Ein eventuell klage skal sendast til Fylkesmannen i Rogaland. Dersom Fylkesmannen ikkje gjer om eige vedtak, skal klagen handsamast av Miljødirektoratet.

Med helsing

Per Kristian Austbø
fung. fylkesmiljøvernssjef

Torborg Berge
rådgjevar

Dokumentet er godkjent elektronisk av Fylkesmannen i Rogaland og krev derfor ikkje signatur.

Sakshandsamar: Torborg Berge
Sakshandsamar telefon: 51 56 89 39
E-post: fmrotbe@fylkesmannen.no

Kopi til:
Miljødirektoratet Postboks 5672 Sluppen 7485 TRONDHEIM
Klepp kommune Postboks 25 4358 Kleppe

Vedlegg:

Kart over areal med løyve til å planta utanlandske treslag til skogproduksjon – sitkagran, Øksnevad vidaregåande skule, gnr/bnr 7/1 Klepp